



**Andreæ Vallensis Vvlgo Del Vavlx Andanensis, I. V. D. Et  
In Alma Academia Lovaniensi SS. Canonum Professoris  
Ordinarii, Paratitla Ivris Canonici Sive Decretalivm D.  
Gregorii Papæ IX. Svmmaria Ac ...**

**Delvaux, André**

**Coloniæ Agrippinæ, 1686**

4. De effectu transactionis.

---

[urn:nbn:de:hbz:466:1-62177](https://nbn-resolving.de/urn:nbn:de:hbz:466:1-62177)

## §. III.

## De quibus transfigi possit.

1. Transfigere licet de qualibet re dubia.
2. De criminis etiam capitali, excepto adulterio.
3. Non verò de criminis non capitali, excepto criminis falsi.
4. Non etiam de spiritualibus, interveniente aliquo temporali.
5. Non de matrimonio.
6. Non de relatis testamento.
7. Non de alimentis futuris.

**T**RANSFIGI potest de qualibet re dubia & litigiosa, l. i. D. eod. de qua vel lis est, vel esse potest, l. 2. Cod. eod. etiam post conclusionem in causa, quia tunc quoque dubius lis est eveniens. Non tamen post rem judicatam, vel jure iurando decisam, nisi interposita sit appellatio, aut interponi possit, l. 7. D. eod. aut negetur, ignoretur judicatum esse, l. Post rem: l. D. eod. aut alio modo res judicata adhuc dubia esse possit, l. Cum is 32. §. 1. D. De condit. indebiti; nam aliás, cum per lementiam definita & determinata sit, amplius transactione finiri non potest; nec expedit, ut, qua publico iudicio serm definita sunt, talius pro privatorum arbitratu, tanquam indefinita & incerta, transactione definiantur.

2. De criminis quoque capitali tam actori seu accusatori, quam reo, transfigere permititur, l. transfigere 18. Cod. eod. quia unicuique sanguinem suum quovis modo licet redimere, l. i. D. De bonis eorum &c. Nec pro confesso transfigens haberi debet, quia magis declinandi gravissimi periculi causa, quam conscientia facinoris transfigere censeretur, l. fin. D. De pravaricatoribus. Excepitur tamen in d.l. Transfigere adulterium, quod licet ex lege Julia capitale non fuerit l. Clodius D. De his, quibus ui indignis, &c. sed postmodum esse coepit, l. Quamvis Cod. de adulteriis: tamen de eo nominatum lex Julia pacisci veruit, quia talis conventione in lenocinium incidit; & sufficit quod postea coepit capitale esse, ut constat, ex d.l. Transfigere & d.l. Quamvis.

3. De aliis autem criminibus, quæ pœnam sanguinis non ingerunt, transfigere non licet, circa falsi accusationem, d.l. Transfigere: quia tam si crimen falsi certa pœna scilicet deportationis, statuta sit, l. i. §. fin. D. De falsis: co-

pit tamen postea esse arbitraria, l. Qui duobus & penult. D. De falsis; ut ad mortem deveniri possit: & proinde ob metum mortis, etiam in hoc crimen, ut in capitali, transfigere litigatoribus permititur.

4. De spiritualibus verò, vel his annexis, non licet transfigere, interveniente aliquo temporali, & Constitutus, 4. c. super eo &c. Praterea q. h. t. sed gratis & amicabiliter componere, d. c. super eo.

5. At in matrimonio nee transactione, nec compositione amicabilis admittitur, e. fin. h. t. quia si semel legitimè contractum sit, amplius dissolvi non potest: si verò illegitimum id est contra sacros Canones reconciliari non potest partium transactione vel compositione.

6. De eo quoque, quod in testamento reliatum est transfigere non licet, non inspectis verbis testamenti, quia talis transactione captio sit, ideoque improba, l. 5. D. eod.

7. Similiter nec de futuris alimentis, quamvis ultima voluntate relictis, sine auctore Pratore & causæ cognitione, l. Cum hi 8. D. eod. ne contenti modico praesenti, facile sibi relicta, repudient homines, & inde contra testatoris voluntatem fame luborent: de præteritis verò, quia in iis hoc periculum cessat, transfigere licet, l. 8. Cod. eod.

## §. IV.

## De effectu transactionis.

1. Finem controversie imponere.
2. Retractari ex post facto nequit.

**E**FECTUS transactionis sit, si in litibus mortis & movendis, aut quæ timentur, imponere, l. Fratris Cod. & similibus.

2. Præterea quod semel inita nullo praetextu retractari possit, ne quidem rescripto principis, l. Cum propror 17. Cod. eod. nec sub praetextu specierum vel instrumentorum postea repertorum, l. sub prætextu 19. & 29. Cod. eod. quia qui super principaliter transfigit, etiam super accessoriis, & iis tertiacibus, transfigit: & cum transactione fiat libero & mutuo consensu, firma manere debet, c. Statimius, c. Centingit. h. t. quod enim semel placuit, amplius displicere non potest. Atque ita licet pristina actio non sit extincta, quia transactione non est modus tollendæ obligationis à Jure civili introduc-

ta;

ductus, *Institut.* Quibus modis toll. obligatio : tam  
en agenti semper obstat exceptio transactio-  
nis, quæ vocatur exceptio litis fiaitæ, cap. i. *De  
litis cont. in 5.* quia transactio non habet mino-  
rem vim ad litem dirimendam & finiendam,  
quam res judicata, l. *Non minorem Cod. eod.*  
*Steph. Gratian. 2. p. Disputat. Forens. Discept.*  
400. n. 27 ubi subiungit, quod facta super sorte,  
extendat se ad fructus & accessoria, imò ad  
pœnam.

## TITULUS XXXVII.

## De Postulando.

1. *Verbum Postulandi quid significet hoc loco.*
2. *Qui postulare possint.*
3. *Quidam edicto prohibentur.*
4. *Quidam lege.*
5. *Quidam sententia.*

**V**ocari ad iudicium ut non vaciscuntur vel  
transigunt, sed malunt iudicio contendere,  
ideoque querendi sunt advocati vel procurato-  
res ad causam instituendam vel agendum. Quod  
spectant sequentes Tit. & ioprimis hic *De Po-  
stulando*: quia postulare est unum ex præparato-  
riis iudiciorum, de quibus sequitur agendum.

1. Omilla verba cæteri significatio, quæ  
Postulare significat exposcere in Praetatu, illum,  
qui propter aliquid impediumentum Canonici  
eligi seu promoveri non posset, nisi cum eo dis-  
penetur, de qua significatio antea egimus; &  
rursus cæteræ significat idem, quod accusate, ut  
cum dicimus, Postulare aliquem criminis: hie  
nihil est aliud, quam desiderium suum vel amici  
sui apud eum, qui iurisdictioni prætest, in iure  
id est iudicio exponere (quod ad actorem perti-  
nere) vel alterius desiderio contradicere (quod ad  
reum spectat) *juxta l. 1. §. 2. D. b. 1.* Atque ita etiam  
ii, qui advocati non sunt, dum per se suas ratio-  
nes coram Judice allegant, & suam causam agunt,  
postulate dicuntur i. etiam *Postulandi*  
verbum pro advoicatione usurpati certum  
in d. l. 1. §. 1. *& cetero tit. Cod. eod.* Ex eo verbo

quod dicitur, in Jure; sequitur eum, qui con-  
fult in cubiculo suo, non dici postulare, seu ad  
vocatum agere.

2. Postulare possunt omnes, qui nominatum  
non prohibentur, Prohibentur quidam Edicto  
Prætoris, quidam lege, quidam sententiæ Judi-  
cis.

3. Eorum, qui edicto prohibentur, quidam  
totum prohibentur, ut minor XVII annis, alio-  
quin, completa ea ætate, postulare minori per-  
mittitur, d. l. 1. Item omnino surdus. Alij pro alijs  
tantum postulare vetantur, pro se possunt, qui  
Edictum de postulando est prohibitorij: veluti  
mulier, tum ne contra pudicitiam, sexui suo con-  
gruentem, alij enis causa se immisceant: tum qui  
patronari munus est virilz, civile, & quedam-  
modo publicum. Item cæcus quia in signia Magi-  
istratus videre & revereri non potest. Ideoque  
non obstat, quod possit esse *Judex, l. Cæcus Cod.  
de judicis*, quia iudicia olim etiam privatis  
Prætore mandabantur, & in Judice Privato si  
hil nisi iudicij, prudenter & doctrina requiri.  
Insuper insigni turpitudine notati, ut dānatæ  
calumnia, de capitali crimine, passi in libetria, &  
qui operas suas locarunt ad depugnandum cum  
bestiis. Alii desique & pro se & pro alijs postula-  
re possunt, non tamen promise pro omnibus,  
sed pro certis tantum personis; ut ille, qui ex Edi-  
cto tamquam infamis notatur. Postulare autem  
hi possunt pro conjugatis personis, puta pare-  
tibus, liberis, fratibus, sororibus, uxoris, & alijs,  
Edicto comprehensis. Atque haec quidem  
personæ omnes ita postulare prohibentur, ut ne  
confessu quidem patrum, ut adversario volente,  
admitti possunt, quia licet iudiciorum partes  
illæ, quæ potissimum ad litigatores spectant,  
partes corundem mutari possint: non tamen cæteræ,  
quæ præcipue ob dignitatem publicam magi-  
stratus conservandam instituta, utri est hac  
postulationis prohibitio, d. l. 1. in prime.

4. Lege interdictum quibusdam, etiam pro alijs,  
postulare: veluti iudicibus & arbitris, in ei  
causa, in qua judicaturi sunt, l. *Quisquis Cod. int.*  
Item non Christiano, sub pœna exilio, l. ult. *Cod.  
eod. Clericis* quoque interdictum est a Canonici-  
bus, ne eoram laico Judice postulent, sive ma-  
joribus Ordinibus sint iniciati, ut Sacerdotes,  
Diaconi, Subdiaconi, sive in minoribus  
adhuc versentur, modò stipendiis suscep-